



Bremanger kommune
post@bremanger.kommune.no

28.11.19

LNF-område Bremanger

Søknad om dispensasjon frå LNF-område til industriføremål.

FNF Sogn og Fjordane er eit samarbeidsforum for natur- og friluftslivsorganisasjonar i Sogn og Fjordane, som arbeider for å ta vare på natur- og friluftslivsinteressene i fylket. Per i dag er det 12 organisasjonar tilslutta FNF Sogn og Fjordane: Sogn og Fjordane Turlag (SFT), Naturvernforbundet Sogn og Fjordane, Norges Jeger- og Fiskerforbund Sogn og Fjordane, Fjordane Friluftsråd, Norsk Ornitologisk Forening avd Sogn og Fjordane, Kystlaga i Sogn og Fjordane, Sognefjorden Vel, Norges Speidarforbund i Sogn og Fjordane, Fortidsminneforening i Sogn og Fjordane, Klatreklubbane i Sogn og Fjordane, Sogndal Dykkarklubb og Gløppen Kajakkklubb. Organisasjonene representerer rundt 19.000 medlem i fylket.

Innspelet vert sendt frå FNF SF med følgjande organisasjonar Keipen Turlag, Sogn og Fjordane Turlag, Bremanger Idrettslag, Naturvernforbundet i SF, Norsk Ornitologisk foreining NOF avd SFj, NJFF Norges Jeger og Fiskerforbund i SF.

Natur- og friluftslivsorganisasjonane er særskild bekymra for utviklinga for de store landskaps-, natur- og friluftslivsverdiane som er knytt til Bremangerlandet og området der Bremangerlandet vindpark AS nå søker om dispensasjon frå LNF-område til industriføremål vindkraft.

Vi meiner det er eit allsidig og godt grunnlag for og høve til å ikkje gje slik dispensasjon. Vi vil difor be Bremanger kommune om å ikkje gje dispensasjon frå LNF-føremål.

Under vil vi grunngje kvifor:

E-post: sognogfjordane@fnf-nett.no

Tlf: 480 20 532

Web: www.fnf-nett.no/sognogfjordane

Adresse: Sognefjordvegen 40, 6863 Leikanger

Org. nr.: 912 265 722

Dispensasjonsspørsmålet etter plan- og bygningslova kap. 19.

2. I Kommunal- og moderniseringsdepartementet si avgjerd i saka om Frøya vindkraftverk er det lagt vekt på at det ikkje føreligg noko rettskrav på å få dispensasjon etter plan- og bygningslova, sjølv om det føreligg konsesjon etter energilova. I forarbeida til plan- og bygningslova vert det skrive: "Vilkårene for å gi dispensasjon vil alltid være til stede når det foreligger en endelig konsesjon etter disse lovene". Departementet uttalte i denne saka, 6. juni 2019: "Departementet kan ikke se at det er holdepunkter i forarbeidene for at dette er ensbetydende med at man ubetinget har krav på å få dispensasjon. Ved vurderingen av dispensasjon skal det foretas to selvstendige vurderinger. Først må man vurdere om vilkårene for dispensasjon er oppfylt. Forutsatt at vilkårene er oppfylt, er det opp til kommunens frie skjønn om det bør gis dispensasjon. Selv om vilkårene for dispensasjon er oppfylt, har kommunen likevel rett til å avslå. Ingen har mao. rettskrav på å få dispensasjon selv om vilkårene er oppfylt".

Moment vi meiner er relevante i saka for ikkje å gje dispensasjon er:

- Omsynet til lokale, regionale og nasjonale landskaps- og friluftslivsverdiar.
- Bremanger Idrettslag/Keipen turlag har merka turstiar i området til Vetvika, Karihaugen, Fåvatnet og stølane, frå Klungreset opp Klungresetdalen via Blandeivatnet til Oldeidsmannen og til Varpestølane og til Steinfjellet. Desse stiane har både lokale, regionale og nasjonale brukarar.
- Området vert nytta til hjortejakt. Denne skjer heilt fram mot jul og i lengre periodar kan området vanskeleg nyttast til dette formålet ved fare for iskast.
- Omsynet til naturbasert reiseliv. Området vert marknadsført både lokalt, regionalt og nasjonalt/internasjonalt via Visit Norway. Vetvika vert nytta mykje i ulik marknadsføring og er eit trekkplaster for Bremanger, truleg meir enn både Hornelen og Grotlesanden.
- Pilegrimsleden, Sunnivaleia¹ frå Kinn til Selje går med sti opp Klungresetdalen via Blandeivatnet austover fjellet ned til Oldeiede. Denne vert sterkt berørt, deler av stien vert anleggsveg og vert totalt avstengt i periodane med iskast.
- Omsynet til folkehelse. Bremanger idrettslag har 3 trimpostar som vert berørt av vindkraftverket. Under periodar med fare for iskast vert tilgjenge til desse områda avstengt grunna høg risiko ved ferdsel i terrenget.
- Omsyn til rekreasjon og friluftsliv i utmark, normer for støynivå og støyregelverket, jf. T-1442/2016.²
- Omsynet til begrensningar i allemannsretten ved industrialisering av Bremangerlandet og friluftslivslova § 22³, og omsynet til konsekvensar for "helse, miljø, sikkerhet og tilgjengelighet" i plan- og bygningslova § 19-2⁴.
- Stien til Vetvika spesielt, og til Karihaugen, Fåvatnet og stølane, stien opp Klungresetdalen til Blandeivatnet, Oldeidsmannen og Steinfjellet vert sterkt påverka, ved periodar med fare for

¹ <http://sunnivaleia.no/>

² <https://www.regjeringen.no/no/dokumenter/retningslinje-for-behandling-av-stoy-i-arealplanlegging/id2526240/>

³ <https://lovdata.no/dokument/NL/lov/1957-06-28-16>

⁴ <https://lovdata.no/dokument/NL/lov/2008-06-27-71>

iskast vert desse områda knapt tilgjengelege i det heile gruna omsynssoner fare for iskast. Desse vil strekke seg langt utover sjølve plangrensene. Topografien i området gjer det komplisert å kunne legge om stiane. Ferdseleksrestriksjonane i vinterhalvåret vil påverke eit langt større område enn sjølve planområdet. Risikosone kring kvar turbin vert sett til ein radius på 310 meter horisontalt. I kupert terreng vert denne auka monaleg.

- Omsyn til drikkevatn og konsekvensar for "helse", jf. plan- og bygningslova § 19-2.
- Fylkesmannen si motsegn mot prosjektet med omsyn til landskap med store naturverdiar, reduksjon av samanhengande inngrepsfri natur frå fjord til fjell, verknader for fugletrekk og hekkelokalitet for rovfugl.
- Nasjonale retningslinjer for lokalisering av vindkraft⁵ uttalar at ei kommune ikkje bør gje dispensasjon frå arealplan om ein statleg aktør har komme med innsigelse mot konsesjon (Fylkesmannen SF), vidare så bør dispensasjon ikkje bli gitt om tiltaket ikkje er i tråd med regional plan for vindkraft (området er merka høg konflikt, der vindkraft ikkje skal lokaliseras⁶)
- Omsynet til å ivareta sammenhengande naturområde med urørt preg og ivaretaking av verdifulle naturtypar: våtmarker og myrområder, jf. T-2/16.⁷
- Lokal handlefridom og kommunalt sjølvstyre, jf. Grunnloven § 49.
- Omsynet til ny kunnskap om fugletrekk og konflikt med etablering av vindkraftverk og ny føreslått trasé for 132 kV-kraftlinje, jf. naturmangfaldlova §§ 8 og 9⁸.
- Omsynet til samla belastning av vindkraftverk og kraftlinjeframføring (132 kV), jf. naturmangfaldlova § 10 og heilskapleg vurdering etter plan- og bygningslova § 19.
- Omsyn til samla belastning på fugletrekk, artar og trekkorridorar som økosystemkomponent, jf. naturmangfaldlova §§ 4, 5 og 10.
- Omsynet til at det er føreslått nye verneområder tett på vindkraftanlegget og ny føreslått trasé for 132 kV-kraftlinje, heilskapleg vurdering etter plan- og bygningslova § 19-2.
- Omsyn til formålsbestemmelsane i plan- og bygningsloven.
- Omsyn bak bestemminga det skal dispenseras frå. Omsyn til den overordna arealavklaring og rettsleg bindande arealkategori i kommuneplanens arealdel.
- Terrengdekkende myr, rødliste for naturtypar 2018. 30-50% av denne naturtypen har gått tapt siste 50 år.⁹

Dokumentasjon

Det mangler gode data for å vurdere omfang og alvorlighetgrad av inngrep i terrengdekkende myr direkte, og vi støtter oss på generell kunnskap om trusselbilde, påvirkningsfaktorer og utvikling hos ulike typer nedbørsmyr.

⁵ <https://www.nve.no/media/2419/retningslinjer-for-planlegging-og-lokalisering-av-vindkraftanlegg.pdf>

⁶

<https://img4.custompublish.com/getfile.php/3394474.2344.qeycfvxyyc/Regional+plan+for+vindkraft+08.06.2011+pdf+web+hefte.pdf?return=www.ardal.vgs.no>

⁷ <https://www.regjeringen.no/no/dokumenter/nasjonale-og-vesentlige-regionale-interesser-pa-miljoomradet--klargjoring-av-miljoforvaltningens-innsigelsespraksis/id2504971/>

⁸ https://lovdata.no/dokument/NL/lov/2009-06-19-100/KAPITTEL_2#%C2%A79

⁹ https://artsdatabanken.no/rln/2018/153/terrengdekkende_myr?mode=headless

Ved rødlistevurderingen i 2011 anså Moen & Øien (2011) at "En betydelig andel av forekomstene av terrengdekkende myr har blitt ødelagt som intakte myrkompleks som følge av inngrep de siste 50-100 år (...) Kunnskapen om reduksjon er svært mangelfull, og dessuten er graden av påvirkning, og mulighetene for restaurering vanskelig å bedømme. Vi vurderer reduksjonen av intakte systemer til mer enn 30 % de siste 50 år". Basert på registreringene gjennom myrplanarbeidet i Sør-Norge anslår Lyngstad et al. (2016) at reduksjonen i areal og tilstand for terrengdekkende myr er om lag den samme som for oseaniske nedbørsmyrer generelt., eller litt mindre enn denne. På bakgrunn av dette anslår vi arealet som er påvirket eller tapt de siste 50 år til 30-50 %.

Terrengdekkende myr forekommer i områder som er særlig utsatt for vindkraftutbygging, og det er grunn til å tro at trusselbildet har blitt skjerpet siden forrige rødlistevurdering.

Samtidig anser vi at nedbørsmyr har større reduksjon i areal og tilstand enn myr generelt. På den bakgrunn har vi satt terrengdekkende myr til VU etter A- og C2-kriteriet.

Med dette vil vi oppmoda Bremanger kommune om ikke å gje dispensasjon frå LNF-område til industriføremål vindkraft.

Venleg helsing

Forum for natur og friluftsliv Sogn og Fjordane

Elisabeth Dahle

Fylkeskoordinator
FNF Sogn og Fjordane

Keipen Turlag - Kirsten Grotle, leiar

Bremanger idrettslag – Anette Igland, leiar

Sogn og Fjordane Turlag, v/ Naturvernutvalet – Ron Overdevest, leiar

Naturvernforbundet i Sogn og Fjordane - Jon Anders Stavang, styremedlem

Norsk ornitologisk Foreining, NOF avd SFj – Anders Braanaas, leiar

Norges Jeger og fiskerforbund SF – Alf Erik Rørvik, leiar

E-post: sognogfjordane@fnf-nett.no

Tlf: 480 20 532

Web: www.fnf-nett.no/sognogfjordane

Adresse: Sognefjordvegen 40, 6863 Leikanger

Org. nr.: 912 265 722